



Sindikat Granične policije Синдикат Граничне полиције

UPRAVNI ODBOR

Broj /15
Datum, 15.06.2015. godine

MINISTARSTVO SIGURNOSTI BIH

N/r Ministra
Gospodin Dragan Mektić

GRANIČNA POLICIJA BIH

N/r Direktora Granične policije BIH
gospodin Zoran Galić

PREDMET: Prijedlog za pokretanje inicijative za izmjene i dopune Zakona o policijskim službenicima BIH, dostavlja se.-

Poštovani,

Na permanentno insistiranje članova SGP predlažemo da se pokrene inicijativa za izmjene i dopune Zakona o policijskim službenicima BIH a zatim i podzakonskih akata, jer je znatan broj policijskih službenika GP BIH oštećeni zbog umanjene mogućnosti napredovanja u službi i karijeri, na taj način što policijski službenici koji su proveli 15. godina i više radnog staža u policijskom organu u činu „ policajac“ nemaju mogućnost napredovanja do čina narednika, starijeg narednika ili mađeg inspektora u vrijeme kad se oglasi upražnjeno radno mjesto u tim činovima.

Predlažemo da se činovi stiču prema relevantnom policijskom iskustvu, a da policijske pozicije sa propisanim činovima ostanu, odnosno da se policijski službenici i dalje plaćaju za obavljanje poslova i zadataka radnog mjesta propisanog čina, na kome su raspoređeni policijski službenici sa srednjom stručnom spremom do mjesta mlađeg inspektora.

Za ovakav prijedlog su zainteresovani policijski službenici jer se stečeni činovi shodno dužini policijskog iskustva ne bi plaćali, plaćali bi se i dalje dodijeljeni funkcionalni činovi, kao što je to sada slučaj, a stekla bi se pravna situacija da veći broj policijskih službenika ima mogućnost apliciranja u postupku unapređenja za viši čin, odnosno znatno veći broj policijskih službenika bi imao šansu i mogućnost da učestvuju u proceduri za unapređenje u viši čin, na osnovu stečenog čina po osnovu policijskog iskustva, te bi poslodavac imao veći izbor prilikom unaprijeđenja u više činove. Eventualna izmjena Zakona o policijskim službenicima na ovaj prijedlog kao što smo i naveli ne bi prouzrokovala nikakva veća novčana izdvajanja, jer bi i dalje ostalo na snazi da se plaćaju funkcije a ne stečeni činovi dobijeni po godina radnog staža, te bi funkcionalne činove i činove koji bi se dobijali kako smo predložili mogli razlikovati po boji (primjer: funkcionalni čin žuta boja, čin dobijen po godinama radnog staža plava ili druga boja)

S obzirom da su izmjene i dopune Zakona o policijskim službenicima BIH povučen iz parlamentarne procedure, smatramo da je neophodno izanalizirati naš prijedlog te pokrenuti proceduru izmjene i dopune navedenog Zakona, radi pravednijeg učešća policijskih službenika u postupcima za unapređenje.

S poštovanjem,

PREDSJEDNIK UPRAVNOG ODBORA

Dragan Krvavac